

Bosna i Hercegovina
Federacija Bosne i
Hercegovine
Kanton Sarajevo
Grad Sarajevo
**OPĆINA CENTAR
SARAJEVO**
Općinski načelnik



Bosnia and Herzegovina
Federation of Bosnia and
Herzegovina
Canton Sarajevo
City of Sarajevo
CENTAR MUNICIPALITY
Municipal Mayor

Босна и Херцеговина
Федерација Босне и
Херцеговине
Кантон Сарајево
Град Сарајево
**ОПШТИНА ЦЕНТАР
САРАЈЕВО**
Општински начелник

Na osnovu člana 15. stav 1. tačka 2. Zakona o principima lokalne samouprave u Federaciji Bosne i Hercegovine ("Službene novine Federacije BiH" broj 49/06 i 51/09), člana 25. i 74. Statuta Općine Centar Sarajevo-prečišćen tekst („Službene novine Kantona Sarajevo“ broj 23/04), člana 3. Pravilnika o utvrđivanju uslova, kriterija i postupka za odabir korisnika i raspodjelu novčanih sredstava za pomoć pojedincima u svrhu održivog povratka („Službene novine Kantona Sarajevo“ broj 51/24, 28/25), člana 19. Odluke o izvršavanju Budžeta Općine Centar Sarajevo („Službene novine Kantona Sarajevo“ broj 52/25) tačke 20. Smjernica o minimalnim standardima dodjele budžetskih sredstava putem transfera i subvencija u Federaciji Bosne i Hercegovine („Službene novine Federacije BiH“, broj 37/24) i Odluke o pokretanju postupka raspisivanja i provođenja javnog poziva, Općinski načelnik objavljuje

JAVNI POZIV za sufinansiranje projekata održivog povratka u 2026.godini

1. PREDMET JAVNOG POZIVA

Predmet ovog Javnog poziva je dodjela finansijske pomoći putem sufinansiranja projekata održivog povratka.

2. CILJ JAVNOG POZIVA

Cilj ovog Pravilnika je podsticanje povratka i stvaranje ekonomskih uvjeta koji doprinose dobrovoljnom povratku u prijeratno mjesto prebivališta.

Ukoliko se utvrdi da sredstva predstavljaju državnu pomoć u smislu propisa o državnoj pomoći, ista će se dodijeliti u skladu sa relevantnim propisima, uključujući pravila o de minimis pomoćima.

3. FINANSIJSKA SREDSTVA

Sredstva na poziciji kapitalnog transfera 615211-85- transfer pojedincima u nerazvijenim općinama u ukupnom iznosu od iznosu od 10.000,00 KM raspoređivati će se u skladu sa odredbama Pravilnika o utvrđivanju uslova, kriterija i postupka za odabir korisnika i raspodjelu novčanih sredstava za pomoć pojedincima u svrhu održivog povratka („Službene novine Kantona Sarajevo“ broj 51/24 i 28/25).

Ovisno o broju projekata koji se budu kvalificirali za dodjelu finansijskih sredstava za sufinansiranje projekata održivog povratka pojedini projekti će moći biti podržani u minimalnom iznosu od 2.000,00 KM i maksimalnom iznosu do 5.000,00 KM.

Općina Centar Sarajevo zadržava pravo da ne dodijeli sva raspoloživa budžetska sredstva u slučaju da projektni prijedlozi ne zadovoljavaju zadate kriterije.

Sredstva koja se dodjeljuju ne predstavljaju državnu pomoć u smislu Zakona o sistemu državne pomoći u BiH.

4. KRITERIJI ZA DODJELU SREDSTAVA:

Dokumenti koje je potrebno dostaviti uz prijavu na Javni poziv u skladu sa utvrđenim kriterijima:

a) OPĆI KRITERIJI

1. Projekat/projektna ideja

Dokaz:

Uredno popunjena prijava sljedećeg sadržaja: za koju namjenu se koriste sredstva, predmjer i predračun, izvori finansiranja projekta (vlastito ili ulaganje drugih institucija), da li se radi o već započetom ili idejnom projektu, te očekivani efekti nakon realizacije projekta.

2. Status povratnika – povratnik u prijeratno prebivalište

Dokaz 1:

Uvjerenje o kretanju nadležne policijske uprave za podnosioca zahtjeva- povratnika, kao dokaz da je na dan 30.04.1991. godine imao prebivalište u mjestu povratka.

Dokaz 2:

Prijave prebivališta za sve punoljetne članove domaćinstva.

Dokaz 3:

Potvrda nadležne službe u općini povratka u koju se podnosilac prijave vratio. U potvrdi mora biti naznačeno ime i prezime nosioca domaćinstva i članova njegove porodice koji su se vratili kao i godina povratka u prijeratno prebivalište.

Dokumentacija ne smije biti starija od 30 dana od dana objavljivanja Javnog poziva.

3. Dokaz o vlasništvu

Dokaz: ZK izvadak, posjedovni list, idejni projekt, odobrenje za građenje (ukoliko to zahtjeva priroda projekta). Dokazi se dostavljaju u ovjerenoj fotokopiji ili originalu.

4. Predmjeri i predračuni za nabavke roba i radova

Dokaz:

Dostaviti predugovore, predmjere, predračune ili ponude ponuđača za nabavku roba i radova.

5. Izjava podnosioca zahtjeva i Izvještaj o utrošku ranije dobivenih sredstava

Dokaz 1:

Izjava da podnosilac prijave i članovi njegovog domaćinstva do sada nisu primali pomoć na ime kandidiranog projekta od strane drugog donatora.

Dokaz 2:

Izjava o spremnosti sufinansiranja projekta, izraženo u procentualnom iznosu od ukupne vrijednosti projekta.

Dokaz 3:

Izjava da ukupna finansijska sredstva potrebna za realizaciju projekta nisu obezbjeđena od strane drugog donatora.

Dokumentacija ne smije biti starija od 30 dana od dana objavljivanja Javnog poziva.

b) POSEBNI KRITERIJI

1. Godina povratka

Dokaz:

Godina povratka u prijeratno prebivalište.

Dokazuje se na osnovu dokumenta iz tačke 2./dokaz 3. Općih kriterija.

2. Kućna lista – broj članova porodičnog domaćinstva

Dokaz:

Svi podnosioci prijave na javni poziv prilažu ovjerenu kućnu listu izdatu od nadležne općinske službe koja ne smije biti starija od 30 dana od dana objavljivanja Javnog poziva.

3. Porodični standard

Dokaz:

3.1. Za svakog člana porodice koji je zaposlen, penzioner ili ima primanja po bilo kom drugom osnovu potvrdu o ostvarenom primanju u protekla 3 mjeseca u odnosu na mjesec prijave na javni poziv.

3.2. Za nezaposlene članove porodičnog domaćinstva uvjerenje nadležne Službe za zapošljavanje ili uvjerenje nadležne poreske uprave da se ne nalaze na evidenciji aktivnih

osiguranika iz radnog odnosa, koja ne smiju biti starija od 30 dana od dana objavljivanja javnog poziva.

3.3. Za članove porodice koji pohađaju obrazovne ustanove prilaže se dokaz o redovnom školovanju za tekuću školsku godinu.

3.4. Za članove domaćinstva koji imaju primanja iz ranjivih kategorija dokaz o visini primanja po to osnovu.

4. Porodice povratnika iz ranjivih kategorija

4.1. Ratni vojni invalidi

Dokaz:

Uvjerjenje nadležne općinske službe u čijoj se evidenciji vodi ratni vojni invalid koja sadrži stepen (procenat) invaliditeta, koje ne smije biti starije od 30 dana od dana objavljivanja javnog poziva.

4.2. Šehidske porodice odnosno porodice poginulih boraca

Dokaz:

Uvjerjenje nadležne općinske službe ne starije od 30 dana od dana objavljivanja javnog poziva.

4.3. Porodice nestalih

Dokaz:

Uvjerjenje nadležne općinske službe ili Komisije za traženje nestalih ne starije od 30 dana od dana objavljivanja javnog poziva.

4.4. Bivši logoraši

Dokaz:

Uvjerjenje izdato od strane Udruženja logoraša ne starije od 30 dana od dana objavljivanja javnog poziva.

4.5. Neratni invalidi ili invalidi rada

Dokaz:

Uvjerjenje nadležnog Centra za socijalni rad koje sadrži stepen (procenat) invaliditeta ili Nalaz Instituta za medicinsko vještačenje zdravstvenog stanja FBiH ili uvjerjenje Zavoda za penzijsko-invalidsko osiguranje, ne starije od 30 dana od dana objavljivanja javnog poziva.

5. Samohrani roditelji

Dokaz:

Uvjerjenje nadležnog Centra za socijalni rad ne starije od 30 dana od dana objavljivanja javnog poziva ili umrli list za supružnika.

6. Demobilisani borci

Dokaz:

Uvjerjenje izdato od nadležne službe ne starije od 30 dana od dana objavljivanja javnog poziva.

5. NAČIN IZBORA KORISNIKA:

Izbor korisnika za dodjelu sredstava po osnovu ovog javnog poziva vršit će Komisija za odabir korisnika i raspodjelu raspoloživih novčanih sredstava za pomoć pojedincima povratnicima u svrhu održivog povratka.

Svaki član komisije će biti isključen iz postupka dodjele ukoliko se utvrdi da je u sukobu interesa u odnosu na podnosioc prijava, a podnosioci prijave imaju mogućnost prijaviti sumnju na postojanje sukoba interesa, o kojima će davalac budžetskih sredstava odlučivati pojedinačno po svakoj prijavi.

Prijava na javni poziv neće biti razmatrana ukoliko: je nepotpuna i neblagovremena; podnosilac prijave - nije dostavio finansijski i narativni (opisni) izvještaj za odobrena sredstva u prethodnim budžetskim godinama; zahtjev nije u skladu sa općim kriterijima; su sredstva u ukupnom iznosu cijene projekta dodijeljena od drugog donatora; je podnosilac prijave u prethodne tri godine ostvario pravo na jednokratnu pomoć u svrhu održivog povratka od strane Općine Centar Sarajevo.

Način bodovanja kandidata utvrđen je Pravilnikom o utvrđivanju uslova, kriterija i postupka za odabir korisnika i raspodjelu novčanih sredstava za pomoć pojedincima u svrhu održivog povratka („Službene novine Kantona Sarajevo“ broj 51/24 i 28/25).

Na osnovu bodovne liste Komisija utvrđuje prijedlog korisnika za dodjelu jednokratne pomoći u svrhu održivog povratka i isti dostavlja Općinskom načelniku na odlučivanje.

Odluku o izboru korisnika o dodjeli sredstva u svrhu održivog povratka donosi Općinski načelnik i ista će biti objavljena na oglasnoj ploči i WEB stranici Općine Centar Sarajevo,

poštujući zaštitu ličnih podataka pojedinca povratnika u skladu sa odredbama Zakon o zaštiti ličnih podataka ("Sl. glasnik BiH" broj: 12/25).

Podnosilac zahtjeva-prijave može istaći prigovor na akt kojim je riješen zahtjev u roku od 8 dana od dana prijema. O prigovorima u roku od 15 dana od dana podnošenja odlučuje Komisija za rješavanje prigovora po javnim pozivima koju će posebnim rješenjem imenovati općinski načelnik.

Sve tražene izjave, uvjerenja i potvrde po Javnom pozivu moraju biti ovjerene i ne smiju biti starije od 30 dana od dana objavljivanja poziva.

6. DOSTAVA ZAHTJEVA – PRIJAVA

Prijave – zahtjevi se dostavljaju u zatvorenoj koverti na protokol općine ili poštom na adresu: OPĆINA CENTAR SARAJEVO

Komisija za odabir korisnika i raspodjelu novčanih sredstava za pomoć pojedincima povratnicima u svrhu održivog povratka,

Ul. Mis Irbina broj 1,

71000 Sarajevo,

sa naznakom „Prijava na Javni poziv za ostvarivanje pomoći iz Programa održivog povratka za pojedince povratnike“

Na poledini koverta obavezno upisati kontakt podatke o podnosiocu prijave – zahtjeva.

Javni poziv objavljen je na oglasnoj ploči Općine Centar Sarajevo i na web stranici općine www.centar.ba, te obavještenje o Javnom pozivu u dnevnim novinama.

Javni poziv ostaje otvoren 30 dana od dana objavljivanja obavještenja u dnevnim novinama, a o rezultatima Javnog poziva podnosioci prijava - zahtjeva će biti obaviješteni.

Dodatne informacije se mogu dobiti na telefone: 033/562-353.

Općinski načelnik

Srđan Mandić